

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. I. Vtrum idem numero actus possit simul habere duas species moralitatis, putà bonitatem ex subjecto & mailitiam ex fine operantis, vel è contra?

[urn:nbn:de:hbz:466:1-77355](#)

nis, & qui furatur ad mœchandum, præter peccatum furti, committit peccatum fornicationis vel adulterii.

51. Ad majorem hujus conclusionis intelligentiam, advertendum est, quod ut actus recipiat bonitatem à fine operantis, non sufficit quod talis finis sit bonus absoluè, sed insuper requiritur quod sit proportionatus actui, qui in ipsum ordinatur, alias vitiat actus: unde licet celebrare, vel orare, sit actus bonus ex objecto; & curare de bonis temporalibus, sit finis bonus: tamen si quis oret, vel celebret propter temporalia, tanquam propter finem principalem, actus redditus malus ex improportione finis, ut docet S. Thomas 2. qu. 83, art. 6. ad 103. & 41. Ratio à priori est, quia bonum morale est idem quod conveniens rationi: Sed rationi non convenit, quod majus bonus ad minus ordinetur tanquam ad finem: Ergo actus qui referunt ab operante in finem minus bonus, quam sit ille ad quem ex natura sua ordinatur, non est bonus moraliter, sed malus.

52. Ex quo inferes eum, qui exercet aliquem actum honestum (quales sunt actus qui ad conservationem individui vel speciei ordinantur) propter solam delectationem, peccare: quia bonum nobiliss ac superius, nempe honestum, refert ad inferioris & minus perfectum, nimirum ad bonum delectabile. De quo fusili infra, cùm de indifferentia actuum humanorum agemus.

53. Dico secundò: Bonitas aut malitia, quam actus humanus desumit à fine operantis, est diversa specie ab ea quam habet ab objecto.

54. Pater etiam hæc conclusio: quia bonitas ex objecto est unica, invariabilis, & essentialis actui: bonitas verò ex fine operantis est multiplex, & variabilis ex beneplacito operantis, & accidit actui: Ergo istæ bonitates specie differunt. Idem confat de malitia: cùm enim quis furatur ut fornicetur, malitia fornicationis, qua huic actui ex ordinatione in finem illum advenit, specie differt à malitia in iustitia, quam habet ex objecto, & que ipsi essentialis est, & ab eo inseparabilis.

55. Dices, Bonitas, vel malitia, desumpta ex fine, est generica respectu bonitatis, qua desumitur ex objecto, ut docet D. Thomas hic art. 7. Sed bonitas generica non distinguitur specie à bonitate specifica, neque realiter, sed solum ratione, ut animal ab homine: Ergo bonitas ex objecto, & bonitas ex fine, non distinguuntur specie.

56. Sed contra primò: D. Thomas hic art. 4. ad 3. docet unam istarum bonitatum ab alia separari, alia manente; quod & experientia constat, cùm operans possit actum eleemosynæ ordinare, vel non ordinare ad pœnitentiam: Sed hoc esset impossibile, nisi realiter distinguerentur: Ergo &c.

57. Deinde genus & species per se ad invicem ordinantur: Sed bonitas ex objecto, & bonitas ex fine, non ordinantur per se; cùm ordō in finem operantis, per accidens adveniat actui ex beneplacito ejus: Ergo non se habent ut verum genus & species. Unde, cùm D. Thomas loco citato docet, quod bonitas qua est ex fine, est veluti generica, loquitur de genere similitudinariè & metaphorice dicto.

58. Quares ad complementum hujus quæstionis, utrum ut actus sit bonus moraliter, sufficiat bonitas finis proximi, seu objecti; an vero necessariò ultra illam requiratur, quod ad aliquem finem remotum, putà ad Deum ordinetur?

Respondeo quod quando actus est bonus, & honestus ex fine proximo, seu objecto, non indiget ordinari in ulteriorem finem, ad hoc ut sit moraliter bonus, sed sufficit quod non apponatur finis malus, vel alia mala circumstantia: v.g. qui dat eleemosynæ, intendens solum honestatem eleemosynæ, hoc est sublevare alienam miseriam, & non apponens alium finem, facit opus moraliter bonum; & similiter qui jejunat ut carnem subjiciat rationi, & sic de aliis.

B Ratio est, quia talis actus ex fine proximo, seu objecto habet honestatem, & bonitatem morale: Ergo ut sit moraliter bonus, non est necessarium quod illam à fine extrinseco participer.

Addo quod sicut lapis ex natura sua tendit in centrum, ut in terminum & finem sui motus, nisi violenter sursum impellatur ab agente extrinseco, ita quodlibet opus, ex objecto & ex natura sua bonum & honestum, tendit in Deum ut luminis rationis, ac totius boni honesti auctorem, nisi violenter ab homine in finem malum referatur: unde qui elicit actum honestum & bonum ex objecto, nullam apponendo malam circumstantiam, censetur, interpretative saltem, operari propter Deum; quod ab honestatem morale actuum humanorum sufficit. Sed de hoc fusili in tractatu de gratia, cùm ostendemus contra Jansenium omnia opera infidelium non esse peccata.

DISPUTATIO IV.

*De Concurso multiplicis Moralitatis
in eodem actu.*

EXPLICATIS principiis moralitatis, restat agendum de concurso & comparatione diversarum specierum moralitatis respectu ejusdem actus, ut constet quo patet sint aut non sint in eo compossibilis, & quem ordinem observent. Uade huc

ARTICVLVS PRIMVS.

Vtrum idem numero actus possit simul habere duas species moralitatis, patè bonitatem ex subjecto, & malitiam ex fine operantis, vel econtra?

S. I.

Quibusdam premissis difficultas resolvitur.

SVPPONO contra Gabrielem, & quosdam Salios, eundem numero actum à voluntate elicimus, posse successivè esse moraliter bonum, & malum, sive transire de bono in malum, & econtra. Bonum enim & malum morale sibi habent respectu actus voluntatis, sicut verum & falsum respectu actus intellectus: Sed idem numero actus intellectus potest successivè esse verus & falsus, ex sola variatione objecti, ut

DE CONCVRSV MVLTIPLICIS MORALITATIS.

229

hic actus, Petrus sedet, est verus, Petro sedente, & postea falsus, ipso surgente & stante: Ergo pariter idem numero actus voluntatis potest successivè esse bonus & malus, per moralem mutationem objecti, quod in uno tempore est bonum & conforme legi, in alio malum ac ei difforme. V. G. potest homo velle vesci carnibus tempore licito, & hanc volitionem sine interruptione continuare eo tempore quo efsus carnium non est licitus: tunc vero manet idem actus in esse physico (cum sit continuus & non interruptus, ut supponimus) & tamen sit diversus in esse moris, & transit ab una specie moralitatis in aliam: Unde D. Thomas qu. 2. de malo art. 4. ad 7. sic ait: *Nihil prohibet aliquid esse idem numero secundum unum genus, quod tamen secundum aliud genus, non solum numero, sed specie differt: sicut si sit aliquod corpus continuum, in una parte album, & in alia parte nigrum, est unum numero, in quantum est continuum, sed differt non solum numero, sed specie, in quantum est coloratum.* Et similiter si in aliquo actu continuo primo furatur intentio ad bonum, postea ad malum, sequitur quod sit unus actus numero secundum suam naturam, sed tamen differt specie secundum quod est in genere moris.

Tota ergo difficultas ad hoc devolvitur, an idem actus voluntatis simul & eodem tempore possit diversas species moralitatis habere, & esse simul bonus & malus ex diversis principiis, putata bonus ex objecto, & malus ex fine; sicut cum quis dat eleemosynam propter vanam gloriam; vel contra malum ex objecto, & bonus ex fine; ut dum quis furatur ad dandam eleemosynam? Quod ut magis declaretur, & status difficultatis clare percipiatur, certaque ab incertis separantur:

Supponendum est secundum actionem humana quam ab operante ordinatur in finem malum, etiam si ejus objectum bonum sit, non esse bonum simpliciter, sed simpliciter malum. Hoc admittunt omnes Authores, & docet expressè D. Thomas hic art. 4. ad 3. ubi ait: *Non est actio bona simpliciter, nisi omnes bonitatem concurrant, quia quilibet singularis defectus causat malum: bonum autem causatur ex integra causa, ut Dionysius dicit 4. cap. de Divin. nomin.* Solum ergo difficultas est & controversia inter Theologos, an sicut in naturalibus potest idem subjectum retinere bonitatem quod aliquid, & esse malum quod aliud; ut agrotate pedibus, & non manibus; habere pulchros oculos, & nasci deformem; & sicut in artificialibus potest idem opus secundum unam partem esse pulchrum, & regulis artis conforme, & secundum aliam disforme, ac distortum, & regulis artis dissonum: ita in moralibus eadem actio humana possit esse bona ex objecto, & simul mala ex fine operantis, aut ex alia circumstantia; vel quando malus finis aut circumstantia adjungitur objecto bono, totam ejus bonitatem moralem tollat, ita quod actus ille tunc non possit dici bonus secundum quid, seu ex objecto. Eadem difficultas currit, cum actus est malus ex objecto, & bonus ex fine. Pro resolutione

3. Dico primò: Quando obj. actum est bonum, & finis malus, aut alia circumstantia (ut cum quis dat eleemosynam propter vanam gloriam, vel reddit debitum uxori in loco sacro) non sunt duæ species moralitatis, sed unica, nempe malitia, quae ex mala fine aut circumstantia redundat in

A objectum, ejusque bonitatem moralem omnino destruit. Est contra Cajetanum hic art. 8. & 9. & tomo i. opusc. tract. 17. responsione 14. quem sequuntur ex nostris Marcus à Serra hic art. 4. & ex extraneis Lorca, Granado, & alij.

Probatur primò conclusio ex D. Thoma qui variis in locis eam videtur aperte tradere nam in 2. dist. 38. qu. 1. art. 4. sic ait: *Cum aliquis vult dare eleemosynam propter inanem gloriam, hic est unus actus voluntatis, & hic actus totus malus est, licet nunquam ad omne id quod in eo est, malitiam habeat.* Et hic qu. 19. art. 7. ad 2. *Voluntas (inquit) non potest dici bona, si sit intentio mala causa volendi: qui enim vult dare eleemosynam propter inanem gloriam consequendam, vult id quod de se est bonum sub ratione mali, & ideo prout est volitum ab ipso est malum, unde voluntes ejus est mala.* Et in resp. ad 3. *Sive voluntas sit ejus quod est secundum se malum, & sub ratione boni, sive sit boni sub ratione mali, semper voluntas erit mala.*

Respondent Adversarij, D. Thomam loqui de bonitate simpliciter, & non negare quod dare eleemosynam propter vanam gloriam, sit actus bonus secundum quid, seu ex objecto.

Sed contra primo: D. Thomas loco citato expressè dicit, quod quando aliquis vult id quod de se est bonum sub ratione mali, volitum ab ipso est malum. Et ibidem art. 2. ad 2. ait quod velle bonum quando non debet; si referatur ad voluntum, tunc voluntas non est boni, *quia velle facere aliquid quando non debet fieri, non est velle bonum:* Sed illud voluntum est objectum: Ergo ex D. Thoma quando actus à fine operantis, vel ab alia circumstantia vitiatur, non remanet bonus etiam ex parte objecti, sed totus malus est, licet non totaliter, seu ex omnibus principiis que ad illum concurrunt. Unde idem S. Doctor in 2. dist. 38. quæst. 1. art. 4. ad 4. dicit: *Cum aliquis vult dare eleemosynam propter inanem gloriam, hic est unus actus voluntatis, & hic actus totus malus est, licet non ab omni eo quod in eo est malitiam habeat.*

Contra secundum: D. Thomas hic art. 5. ad 4. docet quod cum aliqua circumstantia actum, qui ex objecto est bonus, reddit malum, talis circumstantia sumitur ut differentia essentialis objecti, & specificat actum illum, ac proinde dat illi primam moralitatis speciem: si autem praedictus actus haberet simul bonitatem ex objecto, ab eo primario specificaretur, nec circumstantia daret speciem essentiali, sed accidentalē, ut patet: Ergo D. Thomas denegat huic actui bonitatem etiam ex parte objecti.

Contra tertium: Idem S. Doctor i. Ethic. lect. 7. docet ex Aristotele bonum in moralibus uno solum modo dici, nempe simpliciter, idque explicat exemplo sagittarij, qui uno solum modo potest scopum vel punctum sibi praefixum attingere, & multipliciter ab illo deviare: *Rectitudo operationis (inquit) uno solo modo contingit, peccatum autem in actione contingit infinitis modis:* & inde est quod peccare est facile, *quia multipliciter hoc contingit; sed recte agere est difficile,* *quia non contingit nisi uno modo:* & ponitur exemplum, *quia facile est recedere à contactu signi, id est puncti, sive in centro circuli, sive in quacunque alia superficie determinate signati;* *sed tangere signum est difficile, quia contingit uno modo.* Ergo ex D. Thoma actus non potest esse bonus moraliter, nisi sit bonus simpliciter,

ff. 3

seu ex omnibus principiis ad illum concurrentiis - A bonum fit ex malo fine, fit ex malo motivo, quia finis dat motivum agendi, & quando fit cum mala circumstantia, non fit bene, sed male: Ergo tunc non fit conformiter, sed disformiter ad reetam rationem & prudentiam.

Probatur secundò conclusio ratione fundamentali, quam insinuat idem Doctor Angelicus locis suprà citatis. Cùm aliquis dat eleemosynam propter inanem gloriam, objectum illius actus, ut habet rationem objecti, & ut specificat, non est bonum, sed potius malum: Ergo non potest dare actui speciem boni. Consequenter pater, Antecedens probatur. Quando aliquis dat eleemosynam propter vanam gloriam, tunc eleemosyna secundum se & absolutè non terminat hunc actum electionis, sed ut habet rationem medijs ordinati ad malum finem, scilicet acquisitionem vanæ gloriae; electio enim habet pro objecto medium ut conducens ad finem, & ad illum ordinatum: Atqui eleemosyna ut habet rationem medijs ordinati ad malum finem, scilicet vanam gloriam, non est objectum bonum, sed malum; cùm sub hac ratione sit instrumentum mali, & materia in qua exercetur vana gloria, sub specie misericordiae & charitatis, licet quantum ad sublevationem alienæ miseriae habeat effectum eleemosyna: Ergo cùm aliquis dat eleemosynam propter inanem gloriam, objectum illius actus, ut habet rationem objecti, & prout illum actum specificat, non est bonum, sed potius malum.

Confirmatur: Licet electio prius ratione terminetur ad medium, quam ad finem, in genere cause formalis, tamen in genere causa finalis prius terminatur ad finem: Hude cùm causa finalis sit simili eiter prior, eò quod agens non agat nisi motum à fine, hinc est quod simpliciter loquendo, cùm aliquis eligit medium de se bonum ad obtinendum malum finem, v. g. eleemosynam propter vanam gloriam, præcedat militia finis, & refundatur in objectum seu medium, ejusque bonitatem extinguit. Unde Ambrosius Epist. 84. ad Demetriadem: *Inflatio & ambitio, & propriorum bonorum superba defensio, possunt destruere eleemosynas, possunt evanescere martyria, si & magnas opes amore quis humanæ laudis effundat, & lava supplicia non ea fortitudine quam Deus tribuit, sed ea quia de se presumpsit, excipiat.* Hiac etiam hypocrisis, seu appetitus vanæ gloriae, fermento comparatur Lucae 12. Nam sicut mollicum fermentum rotam farinæ cui injiciuit massam corruptit, universamque mox conpersonem suo sapore commaculat: sic etiam simulatio, cuius semel animum imbuierit, tota virtutum sinceritate & veritate fraudabit, inquit Venerabilis Beda lib. 4. in Lucam cap. 52.

Confirmatur amplius: Ut aliquis actus sit bonus, etiam partialiter & inadæquatè, debet regulari per dictamen rectæ rationis & prudentie, quæ est proxima & immediata regula actuorum humanorum, ut dñp. i. ostendimus: Sed electio medijs de se boni ad obtinendum malum finem, jejuniū v. g. vel eleemosyna, ad captandam vanam gloriam, vel alterius actus ex objecto boni, & ex circumstantia mali, non regulatur per dictamen rectæ rationis & prudentie: Ergo nullam habet bonitatem moralem, etiam partiale & inadæquatam. Major patet, Minor probatur. Prudentia & recta ratio dictant bonum bene esse faciendum, & bonum fieri male, seu ex malo motivo, non esse bonum: Sed quando aliquod

pra ex doctrina D. Thomæ hic art. ad 4. ubi docet quod omnis circumstantia mala, adveniens actui ex objecto bono, transit in rationem objecti, nisi destruet bonitatem, que ex objecto sumenda erat: Ergo actus aliquā malā circumstantiā vitium, nullam retinet bonitatem moralē ex objecto. Minor probatur: Circumstantia non potest transire in rationem objecti, nisi etiam transferat in rationem specificativi, quia ex objecto sumitur specificatio, etiam in moralibus: Sed non potest transire in rationem specificativi, nisi destruet bonitatem specificam, quæ ex objecto sumenda erat: alijs talis actus haberet duplē essentiam seu speciem omnino oppositam, & quarum una non posset subordinari alteri: Ergo circumstantia mala non potest transire in conditionem objecti, nisi ipsius bonitatem destruet.

Hanc conclusionem probant etiam aliqui ab inconvenienti quod videtur sequi ex adversa sententia: Si enim (inquietum) idem actus simul esset bonus & malus moraliter, esset etiam simul meritorius vita æternæ, & alicuius supplicij, quod videtur absurdum. Sed hæc ratio non igit: tum quia responderi potest, quod sicut non repugnat in eodem actu ratio boni & mali moralis secundum diversa, ita nec ratio meriti & demeriti: tum etiam quia ad meritum vitæ æternæ requiritur quod actus sit simpliciter bonus, & Deo gratus, ac ex imperio charitatis saltē virtualiter in Deum referatur: neutrum autem convenit actui bono ex objecto, & malo ex fine operantis; ille enim in sententia Adversariorum est bonus tantum secundum quid, & cùm sit peccatum, saltē veniale, non potest per charitatem referri in Deum; cùm peccatum veniale, licet non auferat à subiecto in quo est, habitualem ordinem charitatis, ab ea tamen imperari nequeat, nec in Deum formaliter aut virtualiter referri: quia sicut actus charitatis est conversio in Deum, & peccatum mortale aversio ab illo ut ultimo fine, ita veniale est quedam ab illo diversio, ut docetur in tractatu de peccatis. An vero actus bonus ex objecto, & malus ex aliqua circumstantia, sit meritorius alicuius premij temporalis, disputant Theologi in tractatu de merito.

Dico secundò: Quando objectum actus est malum, & finis bonus (ut cùm quis furatur ad dandam eleemosynam) non sunt ibi duæ species morales, una mali ex furto, & alia boni ex eleemosyna, sed una duntaxat mali ex objecto, nempe ex furto. Hæc conclusio sequitur ex principiis in præcedenti statutis: si enim malitia defumpta ex fine operantis, vel ex alia circumstantia, inficit totum actum, & omnem ejus bonitatem destruit, à fortiori ea qua derivatur ex objecto, quæ est præcipua ac essentialis, idem præstabit, omnemque bonitatem moralem actus pariter destruet.

Deinde, sicut est contra dictamen prudentie, eligere aliquod bonum medium ob malum finem; ita & assumere malum medium ad obtinendum bonum finem, quia non sunt facienda mala ut eveniant bona.

DE CONCVRSV MVLTIPLICIS MORALITATIS.

231

Addo quod, sicut se habet principium in speculatibus, ita & finis in practicis, ut sapienter docent Aristoteles & D.Thomas: unde sicut principium speculativum certum, applicatum ad conclusio-
nem per medium sophisticum, non causat af-
fensus scientificum, sed erroneum; ita finis bo-
onus, intentus per medium malum, non causat
actum bonum, sed malum.

Denique, sicut in eo qui dat eleemosynam propter vanam gloriam, eleemosyna, in quantum est materia & instrumentum vanæ gloriae, non est objectum bonum, sed malum (vitiatur enim à fine, & ad speciem ejus trahitur, ut in prima ratione præcedentis conclusionis expendimus) ita in eo qui furatur ad dandam eleemosynam, eleemosyna non est bonus finis, sed malus, quia est causa furandi, & ratio eligendi malum me-
dium, à quo vitiatur, atque ad speciem ejus tra-
hitur: Ergo sicut primus actus est omnino ma-
lus, non verò mixtus ex bonitate & malitia, ita & secundus. Unde D.Thomas h̄c qu. 19. art. 7.
ad 3. sic ait: *Sive voluntas sit ejus quod est secun-
dum se malum, & sub ratione boni: sive si boni
sub ratione mali, semper voluntas erit mala: sed
ad hoc quod sit bona, requiritur quod sit boni sub
ratione boni, id est quod velit bonum, & propter
bonum.*

S. II.

Solvuntur objectiones.

OBICTIES primò contra primam conclu-
sionem: D.Thomas h̄c art. 4. cum enumera-
rasset in corp. quadruplicem actus bonitatem, in
solut. ad 3. addit: *Nihil prohibet actioni, haben-
ti unam predicatorum bonitatem, deesse aliam, &
secundum hoc contingit actionem, qua est bona se-
cundum speciem suam, vel secundum circumstan-
tias ordinari ad finem malum, vel è converso;*
non tamen est actio bona simpliciter, nisi omnes
bonitates concurrant. Ubi ponderanda sunt hac
verba, habenti unam predicatorum bonitatem: his enim S. Doctor aperte videtur docere, quod
actio humana potest habere unam bonitatem
moralem, putè ex objecto, & tamen carere aliis
qua defumuntur ex fine, vel circumstantiis, sub-
indeque simul esse bona & mala. Unde in 2. dist.
36. qu. unica art. 5. in fine corp. ait: *Contingit
actus habere bonitatem ex materia, & tamen eum
male fieri propter indebitas circumstantias.*

16. Respondeo quod quando S. Doctor dicit quod
actioni habenti unam bonitatem, putè ex ob-
jecto, contingit deesse aliam, scilicet ex fine, & ob-
iectus defectum reddi peccaminosam, ly habenti,
non facit sensum compositum, quasi actio simul
cum predicto defectu talen bonitatem conser-
vet, sed reddit sensum divisum, & solum signifi-
cat, quod quantum est de se habiturus erat
actus talen bonitatem, nisi advenisset malitia ex
fine illam impediens. Sicut si dicereatur, habenti
sanitatem contingit distemperari humores, non
eret verum in sensu composito, ita ut cum de fa-
cto est distempories, revera sit sanitas, sed sol-
lum in sensu diviso, quia scilicet adset tunc
quantum est ex aliis principiis, nisi distempories
accidisset. Eodem modo intelligi & explicari
debet aliud locus desumptus ex libro 2. Senten-
tiarum. Quod autem h̄c interpretatio sit legitima,
patet ex locis que pro nostra assertione ad-
duximus, in quibus, quacumque parte actus sit
malus, denegat ei S. Thomas omnia bonita-

A tem, subindeque docet bonitatem ex objecto, &
malitiam ex fine, in eodem actu non posse com-
poni, seu simul reperi: unde cum ait actui ha-
benti unam bonitatem, deesse aliam, hoc necessa-
riò debet intelligi in sensu diviso, sicut expó-
suimus; præsertim cum idem S. Doctor locis su-
pra citatis doceat circumstantiam malam transi-
re in rationem objecti, atque adeò ipsam boni-
tatem objectivam destruere.

Objicites secundò: Cùm quis dat eleemosynam propter vanam gloriam, ille actus est simul bonus ex objecto, & malus ex fine operantis: Ergo simul habet duas species moralitatis, nem-
pe bonitatem & malitiam. Consequētia patet,
Antecedens etiam est evidens quantum ad secun-
dam partem. Probatur verò quantum ad pri-
mam: Primo quia nullus actus potest esse malus
ex objecto, nisi habeat objectum malum: Sed
talis actus non habet objectum malum; nam fi-
nis ob quem fit, non est ejus objectum, sed
circumstantia: Ergo non est malus ex objecto.

Secundò: Cùm quis instantे præcepto dandi
eleemosynam, dat eleemosynam ob inanem glo-
riam, impleret præceptum: Ergo talis actus est bo-
nus ex objecto. Consequētia patet: cùm enim
præceptum sit de actu bono, impleri nequit nisi
per actum bonum, saltem ex objecto.

Tertiò: Si talis actus esset malus ex objecto,
haberet duplēcēm malitiam, unam ex fine, scili-
cket inanis gloria, aliam ex objecto depravato,
scilicet ex eleemosyna vitiata: Sed hoc dici
nequit; alías qui daret eleemosynam propter va-
nam gloriam, duplex peccatum committēret,
quod videtur absurdum: Ergo &c.

Quartò: Qui urgente præcepto dandi eleemo-
synam, eam tribuit ob inanem gloriam, melius
facit, quam qui nullo modo adimpleret tale præ-
ceptum: Ergo ille actus non est omnino malus,
sed retinet aliquam bonitatem, eam saltem quam
habet ex objecto.

Denique: Volitio dandi eleemosynam ob ina-
nem gloriam elicetur à virtute misericordiae: Er-
go est bona moraliter, saltem ex parte objecti.
Consequētia liquet: quoniam virtus moralis
non potest non respicere bonum honestum, quod
est proprium ejus objectum. Antecedens verò
probatur: Tum quia qui habet habitum miseri-
cordiae, majorē habet facilitatem ad prædictum
actus elicendū, quam qui huiusmodi habitu-
cat; quod signum est hunc actum à virtute
misericordiae procedere: Tum etiam quia talis
actus repetitus auget facilitatem ad veros actus
misericordiae, atque adeò ipsam virtutem mis-
ericordiae: Sed virtus non augetur nisi actu à se
elicito: Ergo talis actus à virtute misericordiae
elicitor.

Huic argumento, quod est præcipuum fun-
damentum adversæ sententie, respondetur ne-
gando Antecedens, quantum ad primam par-
tem. Ad primam probationem in contrarium
dicendum, quod licet objectum hujus actus, vo-
lo dare eleemosynam propter inanem gloriam, ma-
terialiter & in esse entis sit bonum, formaliter
tamen ac in esse objecti, & ut actum illum ter-
minat ac specificat, non est bonum, sed malum:
tum quia habet rationem medij ordinati ad ma-
lum finem, scilicet vanam gloriam, unde non
est conforme, sed difforme dictamini recte ra-
tionis & prudentiae, ut in prima ratione decla-
ravimus: tum etiam quia tunc circumstantia fi-
nis mali transit in rationem objecti specificans.

DISPV TATIO QVARTA

232

- tis , sicut in ultima probatione ostendimus.
- 23.** Ad secundam probationem, concessio Antecedente, nego Consequentiam. Ad cuius probationem respondeo ex D. Thoma infra qu. 100. art. 9. & 10. leges esse in duplice differentia: quadam dantur de actibus humanis praecepsè quoad substantiam & entitatem physicam, vel (quod idem est) quoad bonitatem objectivam materiale; ut quæ præcipiunt succurrere indigenti, audire sacrum, & similes: alie vero dantur de fine & modo prædictorum actuum, & consequenter de eorum honestate & bonitate formalis; cujusmodi sunt illæ quæ disponunt de interiori rectitudine hominis, ac de his quæ pertinent ad directionem cordis, & ad ipsam iustificationem & mundationem interiorum, ut credere, sperare, diligere, pœnitere, non moxchari in corde, non concupiscere rem alienam &c. Leges igitur quæ dantur de sola substantia actus (qualis, ut dixi, est illa quæ præcipiunt succurrere indigenti) adimpleri possunt per actionem qui nullam habeat bonitatem formalem, dummodo circa materiam bonam, seu objectum materialiter bonum versetur. Unde hæc instantia solùm probat objectum hujus actus, *Volo dare eleemosynam propter inanem gloriam*, esse bonum materialiter, & in esse entis, non autem ostendit illud esse bonum formaliter, & in ratione objecti specificantis.
- 24.** Ad tertiam probationem respondeo, aliquos existimare in illo actu duplēcē esse malitiam, unam vanæ gloriae vitiatis, & aliam eleemosynæ vitiatis; tunc enim non manet vera eleemosyna, sed fit materia vanæ gloriae, ac instrumentum superbiae. Unde Augustinus in regula, seu Epist. 109. ait quod *superbia bonis operibus insidiatur ut pereant*; & Chrysologus loquens de hypocrisi, dicit: *Crudeli arte virtutes necat mucrone virtutum, jejunium perimit, orationem oratione vacuat, misericordiam miseratione prostrans*. Vero similiter tamē videtur non duplicari ibi malitiam, nec aliam dari distinctam a superbia, seu vanæ gloria, que, ut suprà ostendimus, totum illum actum vitiat, ad instar fermenti, quod totam farinam cui injicitur massam corruptit, vel tineat, quæ totum ex quo nascitur pannum corrodit. Unde Christus Matth. 6. dicebat: *Si oculus tuus fuerit nequam, totum corpus tuum tenebrosum erit*: ubi per oculum intelligunt SS. Patres intentionem finis, quæ si sit mala, reddit totam actionem malam & tenebrosum, omnemque bonitatem lucem ab ea excludit.
- 25.** Ad quartam respondetur, quod etiæ qui urgente præcepto dandi eleemosynam, eam tribuit ob inanem gloriam, minus peccat, quam qui nullo modo adimplet tale præceptum, non tamē, propriè & formaliter loquendo, melius facit: quia neuter formaliter bene facit; & ideo comparativum *melius* est de subjecto non supponente. Sicut minus peccat qui dormiens adimplet, seu non frangit præceptum non furandi, quam qui illud violat: non tamē propriè melius facit; quia dormiens, nullam exercens operationem, nihil boni facit, & ubi non est bonum, melius esse non potest.
- 26.** Ad ultimam nego Antecedens: nam virtus moralis non concurret nisi ad actus regulatos iudicio prudentia: voluntio autem dandi eleemosynam ob inanem gloriam, non regulatur diætamine prudentia, ut suprà ostendimus: ergo illa non procedit ab habitu misericordiae, sed vanæ gloriae. Ad primam probationem in contrarium di-
- A cendum est, majorem illam facilitatem, quam experitur is qui habet habitum misericordiae, ad prædictum actum, non provenire per se ex hujusmodi habitu, sed per accidens: quia dum per se disponit potentiam ad proprium actum, per accidens removendo impedimenta ex parte materiae, reddit ipsam potentiam facilem ad actus in materia similes, quamvis formaliter non sint actus virtutis, sed virtutis: ad eum modum quo habens habitum misericordiae acquisita, facilior est ad elicendos actus infusæ; non quia virtus naturalis per se influat in actus infusæ, sed quia cum prædictæ virtutes convenient in materia, licet non in ratione formalis, eo ipso quod acquisita per se habilitat potentiam ad proprios actus, tollit impedimenta quæ ex parte materiae retardare possent ad alios quoconque in tali materia elicendos. Per quod patet ad secundam probationem: nam etiæ volitus dandi eleemosynam ob inanem gloriam, non sit formaliter actus virtutis, potest tamen per accidens modo explicato augere facilitatem ad veros actus misericordiae, tollendo impedimenta ex parte materiae.
- B Objicies tertio: Actus credendi mysteria supernaturalia ut à Deo revelata, elicitur à virtute fidei, subindeque est bonus ex objecto: Sed ille potest ad malum finem ordinari, ut si aliquis credit propter vanam gloriam: Ergo idem actus potest esse simul bonus ex objecto, & malus ex fine operantis.
- C Confirmatur: Si aliquis vellet suscipere baptismum, aut pati martyrium ex vanæ gloria, talis volitus esset mala, utpote relata ad malum finem, & bona, utpote dispositio ad iustificationem, quæ per baptismum aut martyrium obtinetur: Ergo idem actus bonitatem & malitiam morale simul habere potest.
- D Ad objectionem responderet Joannes à S. Thomas, quod ille qui credit ex motivo vanæ gloriae, vel ex alio temporali, credit ex fide acquisita, quæ innititur testimonio humano: sicut haereticus mysteriis quæ non disredit, non assentitur ex vera fide supernaturali, sed ex motivo & testimonio humano; quis scilicet talia mysteria sibi videntur credibilia. Rationem assignat, quia (inquit) actus veræ fidei, debet à gratia excitante procedere: quando autem aliquis credit ex motivo vanæ gloriae, talis assensus, cum sit peccatum, saltem veniale, non potest produci à gratia excitante, quæ non potest in actus malos influere: ergo nec potest esse actus veræ fidei. Verum hæc ratio non videtur bona: malitia enim actus non obstat quominus ille sit ex motione divina supernaturali, quæ potest attingere entitatem actus mali, præscindendo ab ejus malitia & deformitate, ut pater in sacerdote consecrante hostiam propter fortilegium, aut alium malum finem: nam licet talis consecratio sit mala & sacrilega, procedit tamen ab auxilio speciali Dei, moventis & applicantis sacerdotem ut suæ virtutis instrumentum.
- E Verius ergo & probabilius est, prædictum actum à fide infusa procedere: cum enim essentialiter sit virtus intellectualis per se primò speculativa, nec secundum se recipiat objectum sub ratione boni, sed sub ratione primi veri, non videtur destrui ejus actus per hoc quod ad finem extrinsecum pravum referatur: quia talis relatio, licet repugnet bonitati morali, non tamen certitudini & infallibilitati, quæ est essentialis fidei. Juxta quam doctrinam ad argumentum
- 27.
- 28.
- 29.
- 30.

tum respondet, & cum credendi propter vanam gloriam non habere bonitatem moralem ex objecto, et si eliciatur a virtute fidei; quia non est de ratione actus fidei habere bonitatem moralem ex proprio objecto, vel aliunde, sed tantum veritatem & infallibilitatem.

31. Ad confirmationem dicendum, quod si aliquis ex inani gloria vellet suscipere baptismum, consequeretur quidem ex vi sacramenti & ex opere operato, aliquem ejus effectum, scilicet characterem, ad quem non alia requiritur dispositio, quam voluntas eum suscipiendi; non recipiet tamen gratiam sanctificantem: quia baptismus eam non confert adultis, nisi mediante aliqua dispositione, qua ad minus sit attrito supernaturalis, ut magis communiter docent Theologii in tractatu de sacramentis. Si autem velis sequi corum sententiam, qui dicunt volitionem suscipiendi baptismum sufficere ut gratiam conferat, dicere poteris, illam voluntatem non concurre ad gratiam per modum dispositionis, sed per modum conditionis, sicut ad characterem; & sic non requiri quod sit bona moraliter. Qui autem vellet pati martyrium ob inanem gloriam, nec gratiam, nec aureolam martyrij consequeretur: quia tale martyrium non esset verum, sed apparet, cum verum martyrium debeat esse effusio sanguinis propter Christum, aut fidei defensionem. Unde Hieronymus super illud ad Galat. 1. Non efficiamini inanis gloria cupidi, ait: Martyrium ipsum, si ideo fiat ut admirationi & laudi habeatur a fratribus, frustra sanguis effusus est. Imò aliqui existimant, profusionem vitæ & sanguinis in tali casu esse peccatum mortale: quia licet inanis gloria secundum se sit tantum veniale, tamen prodigere vitam ex inani gloria, vel alio pravio, est mortale: sicut absque aliquo bono fine morti se expondere.

32. Obiectis quartò: In naturalibus potest eadem res esse bona ex uno capite, & simul mala ex alio; nam idem homo potest esse boni auditus, & mali visus; habere pulchras manus, & pedes deformes: Ergo & in moralibus eadem actio poterit simul esse bona ex objecto, & mala ex fine, vel contra. Consequentia probatur: quia ut ait S. Thomas art. i. hujus questionis: De bono & malo in actionibus oportet loqui, sicut de bono & malo in rebus.

33. Respondeo concessio Antecedente, negando Consequentiam. Ad cuius probationem dico de bonitate & malitia in moralibus, quantum ad multa loquendum esse, sicut de bono & malo in naturalibus: nam sicut in rebus naturalibus, una est bonitas essentialis, alia accidentis; ita in moralibus, una bonitas desumitur ab objecto, alia à circumstantiis, quæ sunt veluti accidentia actuum humanorum. Item sicut bonitas totalis consurgit ex plenitudine essendi in esse naturali, ita & in esse morali. Sed discrimen est in eo, quod in naturalibus malum unius partis non inficit aut destruit bonitatem alterius; unde bonitas ex essentiali potest simul esse cum malo accidenti, & bonitas unius partis, cum malo alterius: in moralibus vero, malitia quæ est ex fine, vel aliis circumstantiis, totum actum inficit, & omne bonum ejus destruit, ut supra ostendimus; sicut impossibile est, bonitatem ex objecto stare cum malitia ex fine, vel bonitatem ex fine cum malitia ex objecto: sicut docent Theologii in tractatu de virtutibus, quod virtutes morales, licet inter se sint essentialiter distinctæ, tamen ita sunt

Tom. III.

A connexæ, ut nulla adsit, si una deficiat.

Objicias ultimò contra secundam conclusiōnem: Iste actus, *volo furari ut dem eleemosynam*, est bonus ex fine, & malus ex objecto: Ergo habet simul duas species moralitatis. Consequentia patet, Antecedens probatur. Idcirco iste actus, *volo dare eleemosynam propter inanem gloriam*, est malus ex fine, quia ordinatur ad malum finem, & ex tali ordinatione viriat: Sed iste actus, *volo furari ut dem eleemosynam*, non ordinatur ad finem malum à quo virietur: Ergo non est malus, sed bonus ex fine.

Confirmatur: Iste duo actus, *volo jejunare ut dem eleemosynam*, & *volo furari ut dem eleemosynam*, habent eundem finem, scilicet eleemosynam: Sed hic finis tribuit priori actui bonitatem suam: Ergo & posteriori.

Ad objectionem respondeo negando Antecedens, quantum ad primam partem. Ad cujus probationem dicendum, quod licet in isto actu, *volo furari ut dem eleemosynam*, eleemosyna non sit medium ad malum finem, sicut in priori actu, quo quis vult dare eleemosynam propter vanam gloriam, subindeque non ex eo virietur; bene tamen ex eo quod sit finis movens ad malum medium, & malitia medij redundet in finem, eisque bonitate destruet. Unde

Ad confirmationem dico quod licet isti actus, *volo jejunare ut dem eleemosynam*, & *volo furari ut dem eleemosynam*, materialiter habeant eundem finem, non tamen formaliter: nam in secundo actu malitia medij viriat finem, & in ipsum refunditur, ita ut finis non sit eleemosyna absolute, sed ut causa furti; ex quo efficitur malitiā furti.

ARTICVLVS I I.

An possit idem actus moralis habere duplēcēm speciem, que simul sit bona, vel simal mala?

DO STENDIMVS articulo praecedenti, eundem actum non posse simul habere duas species moralitatis inter se oppositas, bonitatis scilicet & malitiae: nunc breviter discutiendum est, an possit habere simul duas species bonitatis, vel duas species malitiae: v.g. dum aliquis vult jejunare ad satisfaciendum pro peccatis, queritur an ejus actus sit simul in specie abstinentiae & pœnitentiae: vel dum quis vult furari ut fornicietur, vel occidere ut futetur, an talis actus sit simul in specie furti & fornicationis, vel in specie homicidij & furti?

Partem negativam tenet Vazquez hic disp. si. cap. 3, ubi negat eundem numero actum humanum posse esse in duplice specie bonitatis moralis, quarum una sit ex objecto, alia vero ex fine; quamvis concedat posse esse in duplice specie malitiae moralis; & in suam sententiam pertrahere conatur Ferratiensem, & aliquos ex Nominalibus, quos tamen Salmantenses & alij Moderni ab hac opinione vindicant. Unde vix est qui predictæ subscriptat sententiae, prater Vazquem, cui proinde adaptari potest illud Genel. 16. *Manus ejus contra omnes, & manus omnium contra eum.*

Dico igitur, unum & eundem actum posse simul habere duas species bonitatis, vel duas

g